

Fastnacht


Kiek, wat treckt lütt Hein hüüt an?
Gele Jack mit Bommeln dran,
Bunte Büx mit Kringen op
Un twee grote Knööp dorop.


Siene Schoh sünd swatt un groot,
Veel to lang för'n Kinnerfoot.
Struppelig sünd siene Hoor,
Un noch falsch dorto sogor.

Boven sitt de groten Hoot,
Jo, de steiht em richtig goot.
Un sien Handschen, dat is kloor,
Sünd nu reinweg sünnerbor.

Üm sein' Ogen is dat witt
Mit 'n Streek dor in de Mitt.
Siene Backen sünd meist root,
Un de Snuut is veel to groot.

Mitten mang in sien Gesicht
Sitt en Nees, dat glöfst du nicht:
Rund is de, so as en Ball,
Ok nich echt op jeden Fall.





Un nu sünd se all tohoop:
Schosteenfeger, Hex un Schoop,
Röver, Imm un Keunigin,
Un en dicke, swatte Spinn,
Un se danzt un lacht un singt,
Dat dat meist vergnööglich klinget
Wullt du weten, wat dat schall?
Fastnacht is dat överall.
Füerwehr un Polizei,
Bäcker, Buer un swatte Kreih,
Cowboy, Koopmann un Pastor
Un een Spökenkerl sogor.